

SKIM INSENTIF INTEGRASI TERNAKAN DENGAN SAWIT (ITe)

1. PENDAHULUAN

Industri sawit telah dikenal pasti sebagai Bidang Ekonomi Utama Negara (NKEA) yang boleh meningkatkan pendapatan negara. Kerajaan sedang berusaha untuk memperkuatkan lagi industri sawit negara dalam sektor pekebun kecil. Selaras dengan itu, kerajaan menerusi MPOB telah memperkenalkan Skim Insentif Integrasi Ternakan Dengan Sawit. Ia bertujuan untuk meningkatkan produktiviti dan pendapatan pekebun kecil sawit persendirian melalui penggunaan tanah dan sumber semula jadi yang optimum.

2. OBJEKTIF

- i. Mengoptimumkan penggunaan tanah melalui amalan penternakan.
- ii. Mempelbagaikan pendapatan pekebun kecil sawit.
- iii. Meningkatkan pengeluaran bahan makanan dalam negara.

3. SKOP BANTUAN

- i. Kadar siling insentif tunai bagi setiap projek ternakan:-
 - a) Ternakan ayam kampung / daging – **RM15,000.00** per projek.
 - b) Ternakan itik penelur – **RM15,000.00** per projek.
- ii. Pecahan skop bantuan adalah seperti berikut:-
 - a) **RM3,500.00** bagi kos pembinaan kandang/reban ternakan.
 - b) **RM11,500.00** bagi kos pembelian input-input projek seperti benih/anak ternakan, makanan, ubat-ubatan dan peralatan yang diperlukan.

4. SYARAT PERMOHONAN

- i. Warganegara Malaysia berumur 18 tahun dan ke atas pada tarikh permohonan.
- ii. Pekebun kecil sawit persendirian sahaja dengan had keseluruhan pemilikan tanah yang bertanam sawit tidak melebihi 6.5 hektar (secara agregat).
- iii. Menunjukkan bukti pemilikan atau penguasaan tanah yang sah mengikut undang-undang dan peraturan pihak berkuasa tanah negeri masing-masing (syarat penggunaan tanah **mestilah pertanian**).
- iv. Mempunyai lesen MPOB yang sah.
- v. Bukan peserta lain-lain agensi pembangunan tanah negeri atau persekutuan.
- vi. Seorang pemohon hanya layak memohon satu jenis projek penternakan sahaja.
- vii. Satu geran hanya layak diluluskan satu jenis projek penternakan sahaja.
- viii. Jika pemohon adalah merupakan pasangan suami/isteri, maka hanya seorang sahaja yang layak untuk memohon.
- ix. Telah mendaftar dengan MSPO.

5. SYARAT PELAKSANAAN

- i. Pemohon hanya dibenarkan melaksanakan projek penternakan setelah menerima notis kelulusan (**ITe RMK12_05**).
- ii. Pemohon mestilah melaksanakan Amalan Penternakan Baik (tertakluk kepada sebarang pindaan dari semasa ke semasa).
- iii. Pemohon bersetuju untuk merekod dan membekalkan data-data yang diperlukan oleh pihak MPOB.
- iv. Hanya jenis-jenis ternakan yang telah disenaraikan sahaja layak menerima insentif di bawah skim ini.
- v. Sekiranya maklumat yang dinyatakan oleh pemohon dalam mana-mana peringkat pelaksanaan skim ini didapati tidak benar atau memberikan apa-apa dokumen palsu, maka permohonan atau penyertaan dalam skim ini boleh ditolak atau kelulusan ditarik balik.
- vi. MPOB berhak meminda, menambah atau membatalkan mana-mana syarat di atas pada bila-bila masa tanpa perlu memaklumkan atau mendapatkan pengesahan daripada pemohon.

6. KAEADAH PELAKSANAAN

- i. Pemohon yang diluluskan hendaklah menguruskan sendiri projek penternakan ini.
- ii. Pemohon hendaklah melaksanakan projek penternakan di tapak lot tanah yang diluluskan sahaja:-
 - a) tanah milik sendiri (tanah yang memiliki pokok sawit / tanah kosong / mempunyai tanaman lain).
 - b) tanah yang disewa / dipajak (perlu kemukakan dokumen berkaitan penyewaan tanah yang sah).
- iii. Lokasi tapak lot tanah yang hendak dilaksanakan projek penternakan ini mestilah berada:-
 - a) 200 meter dari kawasan perbandaran, perumahan, pelancongan, perindustrian, tempat ibadat, bangunan dan kemudahan awam
 - b) jauh dari kolam, tasik, sungai dan sumber takungan air bersih bagi kegunaan awam
- iv. Pekebun kecil hendaklah melaksanakan projek penternakan ini dengan menggunakan modal sendiri terlebih dahulu. Selepas lawatan pemeriksaan dan pengesahan dilakukan oleh pegawai MPOB, barulah insentif wang tunai ini akan dimasukkan ke dalam akaun bank pekebun kecil.
- v. Pekebun kecil adalah disyorkan untuk membuat perancangan pemasaran hasil ternakan terlebih dahulu sebelum memilih jenis ternakan di dalam skim ini.
- vi. Pekebun kecil / pemohon bertanggungjawab memasarkan hasil ternakan mereka sendiri.

7. DOKUMEN-DOKUMEN PERMOHONAN YANG DIPERLUKAN

- i. Borang permohonan yang diisi lengkap dan ditandatangani oleh pemohon.
- ii. Salinan kad pengenalan.
- iii. Salinan dokumen pemilikan tanah: geran tanah atau carian rasmi (bagi lot tanah yang akan dilaksanakan projek penternakan).
- iv. Salinan lesen MPOB.
- v. Surat akuan sumpah sebagai pekebun mengesahkan akan melaksanakan projek penternakan di lokasi yang dipohon.
- vi. Surat wakil kuasa mengusahakan tanah (jika berkenaan).
- vii. Dokumen sewa tanah (jika berkenaan).
- viii. Salinan buku akaun bank yang masih aktif.

Nota : Salinan fotostat dokumen hendaklah disahkan benar seperti dokumen asal oleh Pegawai Kumpulan A.

8. PERMOHONAN

Permohonan hendaklah dikemukakan kepada:

Ketua Unit Pemerkasaan Pekebun Kecil

Lembaga Minyak Sawit Malaysia

No. 6, Persiaran Institusi, Bandar Baru Bangi, 43000 Kajang, Selangor.

(u.p: Urusetia Skim Insentif Integrasi Ternakan dengan Sawit – ITe)

ATAU

Melalui e-mel kepada sekretariat Skim Insentif Integrasi Ternakan Dengan Sawit:

integrasi2021@mpob.gov.my

Nota:

1. Permohonan yang akan diproses di dalam skim ini adalah tertakluk kepada syarat-syarat dan jumlah peruntukan yang disediakan/masih ada.
2. Sekiranya tiada maklum balas daripada MPOB dalam tempoh 2 bulan selepas permohonan dibuat, permohonan dianggap tidak berjaya.
3. Keputusan Jawatankuasa permohonan adalah muktamad.